

Hendrik Tevreden bek den politica



ORANJESTAD - "Mi tey bek" tabata e prome palabranan expresa door di Hendrik Tevreden durante e conferencia di prensa yama door di Partido Movimiento Electoral di Pueblo (MEP) ayera pa anuncia e regreso den politica y afiliacion na partido MEP di Sr. Tevreden.

Sr. Tevreden no ta un persona desconoci den politica ya cu na aña 2005 y 2009 e la forma parti caba di nos eleccion parlamentario. Segun e politico ta conta, despues di eleccion na 2009, e la tuma un

break for di politica ya cu e la casa y a dicidi di cuminsa forma su famia. E ta sigui splica cu pa eleccion di 2013, e no a sinti cu e tabata cla pa regresa den e mundo di politica y a opta pa sigui profesionalisa su mes den e ramo di 'Maatschappelijk Gezondheidszorg'. "Awor cu mi a termina mi estudio, mi ta cla pa tuma e reto un biaha mas cu determinacion pa yuda Aruba progresa." E hoben politico tin tres punto di salida como meta y esey ta reconoce e areanan cu Aruba tin di mehora a corto y largo plaso, reestablece un fundeshi solido pa acomoda un perspectiva nobo y reconstrui nos sistema so-

cial a base di principionan duradero. Segun su persona e lo presenta hunto cu su team 'Plan HO.PE' (Horizonte y Perspectiva) y ta kere den hiba politica den un direccion humilde, caminda lo papia di tur problema na un forma habri pa asina hunto manera un Pais sigui padilanti.

Hendrik Tevreden a termina gradiciendo su famia y tur persona cu a sa di sostene den pasado y aworaki cu su regreso den politica. "Biba e cambio, Aruba prome, nos ta bay p'e sin miedo!", tabata su palabranan.